

বাংলাদেশ



গেজেট

অতিরিক্ত সংখ্যা  
কর্তৃপক্ষ কর্তৃক প্রকাশিত

রবিবার, অক্টোবর ২৮, ২০১৮

গণপ্রজাতন্ত্রী বাংলাদেশ সরকার  
অর্থ মন্ত্রণালয়  
আর্থিক প্রতিষ্ঠান বিভাগ  
প্রজ্ঞাপন

তারিখ: ০৮ কার্তিক, ১৪২৫ বঙ্গাব্দ/২৩ অক্টোবর, ২০১৮ খ্রিস্টাব্দ

এস. আর. ও. নং ৩১২-আইন/২০১৮।—বীমা আইন, ২০১০ (২০১০ সালের ১৩ নং আইন) এর ধারা ১৪৬, ধারা ১২৭ এর সহিত পঠিব্য, এ প্রদত্ত ক্ষমতাবলে সরকার এতদ্বারা নিম্নরূপ বিধিমালা প্রণয়ন করিল, যথা:—

১। শিরোনাম ও প্রবর্তন।—(১) এই বিধিমালা নন-লাইফ বীমা জরিপকারী (লাইসেন্সিং) বিধিমালা, ২০১৮ নামে অভিহিত হইবে।

(২) ইহা অবিলম্বে কার্যকর হইবে।

২। সংজ্ঞা।—(১) বিষয় বা প্রসঙ্গের পরিপন্থি কোনো কিছু না থাকিলে, এই বিধিমালায়,—

(১) “আইন” অর্থ বীমা আইন, ২০১০ (২০১০ সালের ১৩ নং আইন);

(২) “কর্তৃপক্ষ” অর্থ বীমা উন্নয়ন ও নিয়ন্ত্রণ কর্তৃপক্ষ আইন, ২০১০ এর ধারা ৩ এর উপ-ধারা (১) এর অধীন প্রতিষ্ঠিত বীমা উন্নয়ন ও নিয়ন্ত্রণ কর্তৃপক্ষ;

(৩) “কর্তৃপক্ষ আইন” অর্থ বীমা উন্নয়ন ও নিয়ন্ত্রণ কর্তৃপক্ষ আইন, ২০১০ (২০১০ সনের ১২ নং আইন);

(৪) “চেয়ারম্যান” অর্থ কর্তৃপক্ষের চেয়ারম্যান;

- (৫) “জরিপকারী” অর্থ বীমা আইন, ২০১০ এর ধারা ২(৩০) এ সংজ্ঞায়িত বীমা জরিপকারী;
- (৬) “ধারা” অর্থ বীমা আইন, ২০১০ এর কোনো ধারা;
- (৭) “ফরম” অর্থ এই বিধিমালার কোনো ফরম;
- (৮) “স্বীকৃত বিশ্ববিদ্যালয়” অর্থ আপাতত বলবৎ কোনো আইনের দ্বারা বা আইনের অধীন প্রতিষ্ঠিত কোনো বিশ্ববিদ্যালয় বা সরকার কর্তৃক স্বীকৃত কোনা বিদেশি বিশ্ববিদ্যালয়;
- (৯) “লাইসেন্স” অর্থ এই বিধিমালার অধীন প্রদত্ত বা ইস্যুকৃত লাইসেন্স; এবং
- (১০) “ফি” অর্থ বিধি ১৩ তে উল্লিখিত লাইসেন্স সংক্রান্ত বিভিন্ন ধরনের ফি।

(২) এই বিধিমালায় ব্যবহৃত যে সকল শব্দ বা অভিব্যক্তির সংজ্ঞা প্রদান করা হয় নাই, সেই সকল শব্দ বা অভিব্যক্তি এই আইন অথবা, ক্ষেত্রমত, কর্তৃপক্ষ আইনে যেই অর্থে ব্যবহৃত হইয়াছে সেই অর্থে প্রযোজ্য হইবে।

৩। বীমা জরিপকারীর উপ-শ্রেণি।—ধারা ১২৭ এর উপ-ধারা (৩) এর উদ্দেশ্য পূরণকল্পে, বীমা জরিপকারীকে নিম্নবর্ণিত উপ-শ্রেণিতে ভাগ করা যাইবে, যথা:—

- (ক) অগ্নি;
- (খ) নৌ (কার্গো);
- (গ) নৌ-হাল (জাহাজ কাঠামো);
- (ঘ) মোটর;
- (ঙ) ইঞ্জিনিয়ারিং;
- (চ) এভিয়েশন;
- (ছ) বিবিধ; এবং
- (জ) কর্তৃপক্ষ কর্তৃক, সময় সময়, সরকারি গেজেটে প্রকাশিত আদেশ দ্বারা, নির্দিষ্টকৃত অন্য কোন উপ-শ্রেণি।

৪। লাইসেন্সের আবেদন।—(১) এই বিধিমালার অধীন লাইসেন্স প্রাপ্তির জন্য, আবেদনকারী নিম্নবর্ণিত ফরমে কর্তৃপক্ষ বরাবর আবেদন করিতে পারিবে, যথা:—

- (ক) ব্যক্তির ক্ষেত্রে, ফরম-ক; এবং
- (খ) কোম্পানি বা ফার্মের ক্ষেত্রে, ফরম-খ।

(২) উপ-বিধি (১) এর অধীন আবেদনপত্র দাখিলের সময় আবেদনকারীকে নিম্নবর্ণিত তথ্য ও কাগজাদি সংযুক্ত করিতে হইবে, যথা:—

(ক) বিধি ৫ এর অধীন প্রযোজ্য শর্তপূরণ সংক্রান্ত তথ্য ও কাগজাদি

(খ) লাইসেন্স ফি পরিশোধ সংক্রান্ত রসিদ; এবং

(গ) বিধি ১২ এর অধীন বাস্তব প্রশিক্ষণ গ্রহণ সংক্রান্ত প্রত্যয়নপত্র।

(৩) উপ-বিধি (২) এ যাহা কিছুই থাকুক না কেন, কর্তৃপক্ষ কোনো আবেদনকারীর নিকট হইতে তদকর্তৃক নির্ধারিত কারিগরি যোগ্যতা সম্পর্কিত কোনো তথ্য ও বাস্তব প্রশিক্ষণ গ্রহণ সংক্রান্ত যে কোনো তথ্য চাহিতে পারিবে এবং উক্ত আবেদনকারী, কর্তৃপক্ষ কর্তৃক নির্ধারিত সময়ের মধ্যে চাহিত তথ্যাদি সরবরাহ করিবেন।

(৪) কর্তৃপক্ষ বা তদকর্তৃক অনুমোদিত কোনো কর্মকর্তা, প্রয়োজনীয়তার নিরীখে, আবেদনকারীর নিকট স্থায়ী বিবেচনায় অতিরিক্ত তথ্য বা আবেদনকারী কর্তৃক প্রদত্ত তথ্যের সঠিকতা নিরূপণের জন্য যে কোনো তথ্য চাহিতে পারিবেন এবং কর্তৃপক্ষ, প্রয়োজনে, আবেদনকারীকে বা তথ্য প্রমাণের জন্য আবশ্যিক এমন কোনো ব্যক্তিকে উপস্থিত হইবার জন্য আদেশ প্রদান করিতে পারিবে।

(৫) কর্তৃপক্ষ যদি মনে করে যে আবেদনকারী কর্তৃক প্রদত্ত তথ্য বা কাগজাদি সম্পূর্ণ বা সঠিক নহে এবং আবেদনকারী বরাবরে লাইসেন্স ইস্যু করা সম্ভব নহে, তাহা হইলে, আবেদনকারীকে সঠিক তথ্য এবং/বা কাগজাদি দাখিল সাপেক্ষে অনূর্ধ্ব ১ (এক) মাসের মধ্যে পুনরায় আবেদন করিবার জন্য লিখিতভাবে অবহিত করিবে।

৫। লাইসেন্স প্রদানের প্রয়োজনীয় শর্ত।—(১) বীমা জরিপকারী হিসাবে কার্য-সম্পাদনের লক্ষ্যে কোনো ব্যক্তিকে লাইসেন্স প্রদানের পূর্বে কর্তৃপক্ষকে নিম্নবর্ণিত বিষয়ে সন্তুষ্ট হইতে হইবে, যথা:—

(ক) আবেদনকারী—

(অ) কোনো স্বীকৃত দেশি বা বিদেশি বিশ্ববিদ্যালয় হইতে অন্যান্য স্নাতক বা সমমানের ডিগ্রিধারী;

(আ) জরিপকারী হিসাবে অন্যান্য ৫ (পাঁচ) বৎসরের কাজের বাস্তব অভিজ্ঞতাসম্পন্ন;

(ই) চাকুরিজীবী নহেন;

(ঈ) সরকারি বীমাকারী বা বীমা এজেন্ট বা ব্রোকার বা তাহাদের কর্মচারী নহেন;

(উ) কোন কর্পোরেশন, কোম্পানি, ফার্ম বা সংস্থার কর্মচারী নহেন; এবং

(ঊ) পূর্ণ সময়ের জন্য পরিচালক, অংশীদার বা উপদেষ্টা হিসাবে অন্য কোনো কোম্পানি, ফার্ম বা সংস্থার সহযোগী নহেন; এবং

(ঋ) আইনের ধারা ১২৭ এর উপধারা (৬) এর অধীন অযোগ্য নহেন।

(২) জরিপকারী হিসাবে কার্য-সম্পাদনের লক্ষ্যে কোনো কোম্পানি বা ফার্মকে লাইসেন্স প্রদানের পূর্বে কর্তৃপক্ষকে নিম্নবর্ণিত বিষয়াদি সম্পর্কে নিশ্চিত হইতে হইবে, যথা :—

- (ক) উহার ২ (দুই) জন পরিচালক বা অংশীদার উপ-বিধি (১) এর দফা (ক) এর উপ-দফা (অ) ও (আ) এ বর্ণিত শর্তাবলী পূরণ করিয়াছেন;
- (খ) উহা কোনো বীমাকারী বা ব্রোকার নহেন;
- (গ) উহার কোনো উদ্যোক্তা, পরিচালক, অংশীদার বা কর্মচারী বীমা এজেন্ট অথবা ব্রোকার নহেন এবং কোনো বীমা কোম্পানি বা ফার্মের পরিচালক, অংশীদার বা কর্মচারী হিসাবে সহযোগী নহেন;
- (ঘ) উহা জয়েন্ট স্টক কোম্পানি এন্ড ফার্মের নিকট কোম্পানি বা ফার্ম হিসাবে নিবন্ধিত;
- (ঙ) উহার কোনো ব্যক্তি জরিপকারী, অংশীদার, উদ্যোক্তা বা পরিচালক অপর কোনো জরিপকারী ফার্ম বা কোম্পানির অংশীদার, উদ্যোক্তা পরিচালক বা কর্মচারী নহেন; এবং
- (চ) উহার কোনো উদ্যোক্তা, পরিচালক, অংশীদার বা কর্মচারী আইনের ধারা ১২৭ এর উপ-দফা ধারা (৬) এর অধীন অযোগ্য নহেন।

(৩) জরিপকারীকে ইস্যুরেপস সার্ভেয়ার্স এসোসিয়েশনের একজন সদস্য হইতে হইবে।

তবে শর্ত থাকে যে, কর্তৃপক্ষ কোন যুক্তিসঙ্গত কারণে উক্ত শর্ত হইতে আবেদনকারীকে অব্যাহতি প্রদান করিতে পারিবে।

(৪) কোনো জরিপকারী কোম্পানি বা ফার্ম প্রধান কার্যালয় ব্যতীত ইহার অন্য কোনো কার্যালয় বা শাখা কার্যালয় হইতে কোনো উপ-শ্রেণির জরিপকার্য পরিচালনা করিবে না, যদি না জরিপকারী উক্ত কার্যালয় বা শাখা কার্যালয় স্থাপন করিবার জন্য কর্তৃপক্ষের নিকট হইতে লিখিত অনুমতি গ্রহণ করিয়া থাকেন।

(৫) জরিপকারী কোম্পানি বা ফার্ম কোনো কার্যালয় বা শাখা কার্যালয় স্থাপন করিতে চাহিলে উক্তরূপ কার্যালয় বা শাখা কার্যালয় পরিচালনার জন্য এমন কোনো ব্যক্তিকে নিয়োজিত করিবেন যিনি উপ-বিধি (১) এর অধীন নির্ধারিত শর্তাবলি পূরণ করিয়াছেন।

৬। লাইসেন্স ইস্যু।—কর্তৃপক্ষ, বিধি ৪ এর অধীন আবেদন প্রাপ্তির পর, বিধি ৫ এ উল্লিখিত শর্তাবলি ও আনুষঙ্গিক তথ্যাদি সম্পর্কে সন্তুষ্ট হইলে, ব্যক্তির ক্ষেত্রে ফরম-গ এবং কোম্পানি বা ফার্মের ক্ষেত্রে ফরম-ঘ অনুসারে লাইসেন্স ইস্যু করিবে।

৭। লাইসেন্সের মেয়াদ ও নবায়ন।—(১) কর্তৃপক্ষ কর্তৃক ইস্যুকৃত লাইসেন্সের মেয়াদ হইবে, উহা প্রদানের তারিখ হইতে ১ (এক) বৎসর।

(২) লাইসেন্সের মেয়াদ উত্তীর্ণ হইবার তারিখ হইতে কমপক্ষে ৩০ (ত্রিশ) দিন পূর্বে বিধি ১৩ এর দফা (খ) এ উল্লিখিত নবায়ন ফি পরিশোধ সাপেক্ষে কর্তৃপক্ষ বরাবর ব্যক্তির ক্ষেত্রে ফরম-ঙ অথবা কোম্পানি বা ফার্মের ক্ষেত্রে ফরম-চ অনুসারে লাইসেন্স নবায়নের জন্য আবেদন করিতে হইবে।

(৩) লাইসেন্সের মেয়াদ উত্তীর্ণ হইয়া গেলে উক্তরূপ মেয়াদ উত্তীর্ণ লাইসেন্স নবায়নের জন্য বিধি ১৩ এর দফা (গ) এ উল্লিখিত বিলম্ব ফি পরিশোধ সাপেক্ষে কর্তৃপক্ষ বরাবর আবেদন করা যাইবে :

তবে শর্ত থাকে যে, লাইসেন্সের মেয়াদ উত্তীর্ণ হইবার ১(এক) বৎসর অতিবাহিত হইবার পর কর্তৃপক্ষ কোনো আবেদন গ্রহণ করিবে না।

(৪) লাইসেন্স নবায়নের আবেদনের সহিত নিম্নবর্ণিত তথ্য ও কাগজাদি সংযুক্ত করিতে হইবে, যথা :—

- (ক) জরিপকারী কর্তৃক পূর্ববর্তী ১(এক) বৎসরের দাখিলকৃত জরিপ প্রতিবেদনের উপ-শ্রেণি অনুসারে বিবরণী;
- (খ) কর্তৃপক্ষের চাহিদা মোতাবেক কর্মচারীদের তালিকা;
- (গ) জরিপকারী বা ব্যবস্থাপনা অংশীদার বা ব্যবস্থাপনা পরিচালক কর্তৃক যথাযথভাবে স্বাক্ষরিত সর্বশেষ পঞ্জিকা বা অর্থ বৎসরের নিরীক্ষিত আয় ও ব্যয় বিবরণী; এবং
- (ঘ) উপ-বিধি (৫) এ উল্লিখিত প্রত্যয়ন পত্র।

(৫) প্রত্যেক আবেদনকারী, ব্যক্তি অথবা কোম্পানি বা ফার্ম যাহাই হউক না কেন, লাইসেন্স নবায়নের আবেদনের সময় কর্তৃপক্ষ বরাবর এই মর্মে প্রত্যয়নপত্র দাখিল করিবেন যে, তিনি বা কোন পরিচালক বা কোনো অংশীদার—

- (ক) এই আইন ও কর্তৃপক্ষ আইন বা উক্ত আইনদ্বয়ের অধীন প্রণীত কোনো বিধিমালা বা প্রবিধানমালা বা কর্তৃপক্ষ কর্তৃক ইস্যুকৃত কোনো আদেশ বা নির্দেশনা লঙ্ঘন করেন নাই;
- (খ) লাইসেন্স প্রাপ্তি বা উহা নবায়নের যোগ্যতা, তাহার বা তাহাদের দ্বারা সম্পাদিত কোনো কর্ম বা জরিপকারী হিসাবে সম্পর্কযুক্ত কোন বিষয়ে বহুগত অসত্য তথ্য প্রদান করেন নাই;
- (গ) এই আইনের অধীন প্রদত্ত সংশ্লিষ্ট লাইসেন্স বাতিল হয় নাই বা প্রবিধানমালা দ্বারা নির্ধারিত কোনো আচরণবিধি লঙ্ঘন করেন নাই;
- (ঘ) পেশাজীবী হিসাবে দায়িত্ব ও দায়বদ্ধতা হইতে অবমুক্ত হন নাই;
- (ঙ) জরিপকারী হিসাবে প্রয়োজনীয় বাধ্যবাধকতা পালনে অবহেলা করেন নাই; এবং
- (চ) আইনের ধারা ১২৭ এর উপ-ধারা (৬) এর অধীন অযোগ্য নহেন।

(৬) কর্তৃপক্ষ, স্বীয় বিবেচনায়, প্রয়োজনে, লাইসেন্স নবায়নের আবেদন বিবেচনার জন্য আনুষঙ্গিক অন্যান্য তথ্য বা কাগজাদি চাহিতে পারিবে।

(৭) কর্তৃপক্ষ, প্রয়োজনীয় সকল পদক্ষেপ গ্রহণ করতঃ যদি এই মর্মে সন্তুষ্ট হয় যে, লাইসেন্স নবায়নের জন্য দাখিলকৃত আবেদনটি যথাযথ রহিয়াছে, তাহা হইলে মেয়াদ উত্তীর্ণ হইবার তারিখ হইতে পরবর্তী ১(এক) বৎসর মেয়াদে প্রার্থিত লাইসেন্স নবায়ন করিতে পারিবে।

৮। প্রতিলিপি লাইসেন্স ইস্যু।—(১) কোনো জরিপকারীর লাইসেন্স হারাইয়া যাওয়া, ক্ষতিগ্রস্ত হওয়া বা ছিঁড়িয়া যাইবার ক্ষেত্রে, উক্ত জরিপকারী বিধি ১৩ এর অধীন নির্ধারিত ফি প্রদান সাপেক্ষে উহার প্রতিলিপি লাইসেন্সের জন্য কর্তৃপক্ষের নিকট আবেদন করিতে পারিবে।

(২) উপ-বিধি (১) এ উল্লিখিত আবেদনে উক্ত লাইসেন্সের পূর্ণাঙ্গ তথ্য এবং হারাইয়া যাওয়া, ক্ষতিগ্রস্ত হওয়া বা ছিঁড়িয়া যাইবার বর্ণনা প্রদান করিতে হইবে এবং আবেদনকারীর দখলে থাকা উহার অবশিষ্ট অংশ, যদি থাকে, সংযুক্ত করিতে হইবে এবং প্রদত্ত লাইসেন্স হারাইয়া যাওয়া, ক্ষতিগ্রস্ত হওয়া বা ছিঁড়িয়া, যাইবার বিষয়ে নিকটস্থ থানায় রুজুকৃত সাধারণ ডায়েরীর কপি সংযুক্ত করিতে হইবে।

(৩) কর্তৃপক্ষ উপ-বিধি (২) এ উল্লিখিত শর্ত প্রতিপালিত হইয়াছে মর্মে সন্তুষ্ট হইলে পৃষ্ঠাঙ্কিত প্রতিলিপি লাইসেন্স ইস্যু করিবে।

(৪) উপ-বিধি (৩) এর অধীন প্রদত্ত লাইসেন্সের মেয়াদ হইবে মূল লাইসেন্সের অবশিষ্ট মেয়াদ পর্যন্ত।

৯। লাইসেন্স প্রদান বা নবায়ন প্রত্যাখ্যান।—(১) ঘটনা ও প্রেক্ষাপট বিবেচনাপূর্বক আবেদনকারীকে কর্তৃপক্ষ কর্তৃক নির্ধারিত সময়ের মধ্যে তাহার আবেদন সংশোধন করিবার সুযোগ প্রদান না করিয়া কোনো আবেদন প্রত্যাখ্যান করা যাইবে না।

(২) লাইসেন্স বা উহা নবায়নের আবেদন প্রত্যাখ্যাত হইলে উক্তরূপ প্রত্যাখ্যানের বিষয়টি আইনের ধারা ১২৭ এর উপ-ধারা (৮) অনুযায়ী আবেদনকারীকে অবহিত করিতে হইবে।

(৩) উপ-বিধি (১) এর অধীন কোনো আবেদন প্রত্যাখ্যান করা হইলে আবেদনকারী কর্তৃক দাখিলকৃত লাইসেন্স ফি বা, ক্ষেত্রমত, নবায়ন ফি এর অনধিক ৬০(ষাট) শতাংশ আবেদনকারীকে ফেরত প্রদান করিতে হইবে।

১০। লাইসেন্স বাতিল ও উহার বিরুদ্ধে করণীয়।—(১) এই বিধিমালার অধীন প্রদত্ত লাইসেন্স আইনের ধারা ১২৭ এর উপ-ধারা (১০) এর বিধানাবলি সাপেক্ষে বাতিলযোগ্য।

(২) কোনো লাইসেন্স বাতিল করা হইলে আইনের ধারা ১২৭ এর উপ-ধারা (১০) এর শর্তাংশে উল্লিখিত পদ্ধতি অনুসৃত হইবে।

১১। বীমাগ্রহীতা, বীমাকারী ও জরিপকারীর দায়বদ্ধতা।—(১) বীমাগ্রহীতাকে দুর্ঘটনা ঘটিবার ৩০ (ত্রিশ) দিনের মধ্যে বীমাকারীর নিকট প্রয়োজনীয় সকল কাগজপত্রসহ আবেদন করিতে হইবে।

(২) উপ-বিধি (১) এর অধীন আবেদন প্রাপ্তির পর বীমাকারী উক্ত দুর্ঘটনার ক্ষতি নিরূপণের জন্য সংশ্লিষ্ট উপ-শ্রেণির লাইসেন্সধারী জরিপকারীগণের মধ্য হইতে ১(এক) জন জরিপকারী নিযুক্ত করিবে এবং উক্ত নিযুক্তির সময় জরিপ কার্য সম্পন্ন করিবার সময়সীমা উল্লেখ করিতে হইবে।

(৩) জরিপকারী, নির্ধারিত সময়সীমার মধ্যে, নিম্নবর্ণিত শর্তাধীনে বীমাকারীর নিকট প্রতিবেদন দাখিল করিবেন, যথা :—

(ক) নিযুক্তির সর্বোচ্চ ৩০ (ত্রিশ) দিনের মধ্যে প্রতিবেদন দাখিল করিবেন;

(খ) প্রতিবেদন দাখিলে বিলম্বের যুক্তিসঙ্গত কারণ প্রদর্শন সাপেক্ষে বীমাকারী উক্তরূপ জরিপ প্রতিবেদন দাখিলের ক্ষেত্রে সর্বোচ্চ ৩০ (ত্রিশ) দিনের বিলম্ব মার্জনা করিতে পারিবে;

- (গ) দফা (খ) তে উল্লিখিত বিলম্ব মার্জনার সময় অতিক্রান্ত হইবার পর, কর্তৃপক্ষ, দৈনিক ২০০ (দুইশত) টাকা হারে বিলম্ব ফি পরিশোধ সাপেক্ষে, প্রতিবেদন দাখিলের জন্য অতিরিক্ত সর্বোচ্চ ৪৫ (পঁয়তাল্লিশ) দিন সময় বর্ধিত করিতে পারিবে;
- (ঘ) কর্তৃপক্ষের অনুমোদন ব্যতীত এবং দৈনিক ৫,০০০ (পাঁচ হাজার) টাকা বিলম্ব ফি পরিশোধ ব্যতীত দফা (গ) তে উল্লিখিত সময়ের অতিরিক্ত কোনো সময় বর্ধিত করা যাইবে না;
- (ঙ) উপরি-বর্ণিত দফাসমূহে যাহা কিছুই থাকুক না কেন, মোটর গাড়ীর ক্ষেত্রে জরিপকারীকে জরিপ প্রতিবেদন, যতদূত সম্ভব, দাখিল করিতে হইবে এবং প্রতিবেদন দাখিলের সময়সীমা নিয়োগের তারিখ হইতে ৩০ (ত্রিশ) দিনের অধিক হইবে না।

(৪) জরিপকারী, জরিপ প্রতিবেদন বীমাকারীর নিকট দাখিলের সময়, প্রত্যেকটি জরিপ প্রতিবেদনের একটি করিয়া অনুলিপি বীমা গ্রহীতার নিকট প্রেরণ করিবেন এবং যদি জরিপ প্রতিবেদন গ্রহণযোগ্য না হয়, তাহা হইলে প্রতিবেদন দাখিলের ১৫ (পনেরো) দিনের মধ্যে বীমাকারী বা, ক্ষেত্রমত বীমাগ্রহীতা দ্বিতীয় জরিপের জন্য কর্তৃপক্ষের নিকট আবেদন দাখিল করিতে পারিবেন।

(৫) উপ-বিধি (৪) এর অধীন দাখিলকৃত আবেদনে আবেদনকারী বিলম্বের যুক্তিসঙ্গত ব্যাখ্যা প্রদান করিতে সক্ষম হইলে কর্তৃপক্ষ বিলম্ব মার্জনা করিতে পারিবে, তবে এইরূপে মার্জনাকৃত বিলম্বিত সময়ের পরিমাণ কোনো অবস্থাতেই ৩০ (ত্রিশ) দিনের অধিক হইবে না।

(৬) দ্বিতীয় জরিপের নিমিত্ত আবেদনের সহিত প্রথম জরিপ প্রতিবেদনের অনুলিপি সংযুক্ত করিতে হইবে এবং আবেদনে দ্বিতীয় জরিপের প্রয়োজনীয়তার কারণ উল্লেখ করিতে হইবে।

(৭) দ্বিতীয় জরিপের আবেদন প্রাপ্তির পর কর্তৃপক্ষ, আইনের ধারা ১২৮ এর অধীন প্রয়োজনীয় কার্যক্রম গ্রহণ করিবে।

(৮) জরিপকারী, স্বীয় বিবেচনায় প্রয়োজনীয় ব্যবস্থা গ্রহণের জন্য, দ্বিতীয় প্রতিবেদন কর্তৃপক্ষের নিকট প্রেরণ করিবেন এবং উহার অনুলিপি বীমা গ্রহীতা ও বীমাকারীর নিকট প্রেরণ করিবেন।

(৯) কর্তৃপক্ষ কোনো জরিপকারীর নিকট জরিপ সংক্রান্ত যে কোনো তথ্য চাহিতে পারিবে এবং উক্ত জরিপকারী, কর্তৃপক্ষ কর্তৃক নির্ধারিত সময়ে, উক্ত তথ্য সরবরাহ করিবেন এবং জরিপকারী তথ্য প্রদানে ব্যর্থ হইলে কর্তৃপক্ষ উক্ত জরিপকারীর বিরুদ্ধে আইনানুগ ব্যবস্থা গ্রহণ করিতে পারিবে।

১২। বাস্তব প্রশিক্ষণ, ইত্যাদি।—(১) জরিপকারী হিসাবে কার্যসম্পাদনে ইচ্ছুক আবেদনকারীকে একজন জরিপকারীর অধীন শিক্ষানবিশ হিসাবে অন্যান্য ৫ (পাঁচ) বৎসর বাস্তব প্রশিক্ষণ গ্রহণ করিতে হইবে।

(২) শিক্ষানবিশকে প্রশিক্ষণকালীন খতিয়ান রক্ষণাবেক্ষণ করিতে হইবে ও তিনি যাহার অধীনে প্রশিক্ষণ গ্রহণ করিয়াছেন তাহার দ্বারা উক্ত খতিয়ান প্রত্যায়িত হইতে হইবে এবং বিধি ৪ এর অধীন লাইসেন্সের আবেদনের সহিত উক্ত প্রত্যয়নপত্র সংযুক্ত করিতে হইবে।

(৩) কর্তৃপক্ষ প্রয়োজনে, সময় সময়, শিক্ষানবিশকে অতিরিক্ত কারিগরি যোগ্যতা অর্জনের জন্য নির্দেশ প্রদান করিতে পারিবে।

(৪) আবেদনকারী যে উপ-শ্রেণির জরিপের বিষয়ে প্রশিক্ষণ গ্রহণ করিয়াছেন কেবল সেই উপ-শ্রেণির লাইসেন্সের জন্য আবেদন করিতে পারিবেন।

১৩। লাইসেন্স ফি।—(১) আবেদনকারীকে তাহার আবেদনের সহিত নিম্নবর্ণিত ক্ষেত্র ও হারে ফি প্রদান করিতে হইবে, যথা :—

- (ক) লাইসেন্সের জন্য ২,০০০ (দুই হাজার) টাকা;
- (খ) লাইসেন্স নবায়নের জন্য ১,০০০ (এক হাজার) টাকা;
- (গ) মেয়াদ উত্তীর্ণ লাইসেন্স নবায়নের জন্য বিলম্ব ফি ১০০ (একশত) টাকা (প্রতিমাসে);
- (ঘ) প্রতিলিপি লাইসেন্সের জন্য ১০০ (একশত) টাকা;

(২) উপ-বিধি (১) এ উল্লিখিত ফি কর্তৃপক্ষের অনুকূলে কোন তফসিলী ব্যাংকে, ব্যাংক ড্রাফট বা পে অর্ডারের মাধ্যমে, জমা প্রদান করিতে হইবে।

ব্যাখ্যা।—এই উপ-বিধির উদ্দেশ্য পূরণকল্পে, “তফসিলী ব্যাংক” বলিতে Bangladesh Bank Order, 1972 (P.O. No. 127 of 1972) এর Article 2(j) তে সংজ্ঞায়িত Schedule Bank কে বুঝাইবে।

১৪। লাইসেন্সপ্রাপ্ত বীমা জরিপকারীর রেজিস্টার।—(১) কর্তৃপক্ষ কর্তৃক প্রদত্ত বা ইস্যুকৃত বিভিন্ন উপ-শ্রেণির লাইসেন্সের তথ্যাবলি সংক্রান্ত একটি রেজিস্টার থাকিবে, যাহাতে উপ-বিধি (২) এ উল্লিখিত বিষয়াদি লিপিবদ্ধ থাকিবে।

(২) উক্ত রেজিস্টারে নিম্নবর্ণিত বিষয়াদির উল্লেখ থাকিবে, যথা :—

- (ক) লাইসেন্সধারীর পূর্ণ নাম ও সংক্ষিপ্ত বিবরণ;
- (খ) জন্ম তারিখ, জাতীয় পরিচয়পত্র নম্বর, TIN/BIN নম্বর, বাসস্থান, আবাসিক ও পেশাগত ঠিকানা :

তবে শর্ত থাকে যে, কোম্পানি বা ফার্মের জরিপকারীগণের ক্ষেত্রে যে তথ্যাদি রেজিস্টারে লিপিবদ্ধ করিতে হইবে তাহা, ক্ষেত্রমত, পরিচালক বা অংশীদার সম্পর্কিত হইবে।

- (গ) যে উপ-শ্রেণির লাইসেন্স প্রদান করা হইয়াছে;
- (ঘ) লাইসেন্স নম্বর, লাইসেন্স ইস্যু ও নবায়নের তারিখ;
- (ঙ) লাইসেন্স বাতিল করা হইলে উহার বিবরণী;
- (চ) প্রতিলিপি লাইসেন্সের বিবরণী ও উহার অবশিষ্ট মেয়াদের সময়সীমা;
- (ছ) পেশাগত ও অন্যান্য যোগ্যতাসমূহ; এবং
- (জ) কর্তৃপক্ষ কর্তৃক, সময় সময়, নির্ধারিত হইতে পারে এইরূপ অন্য কোন প্রয়োজনীয় তথ্যাদি।

(৩) রেজিস্টারে নাম লিপিবদ্ধকরণের তারিখ ও প্রাসঙ্গিক তথ্যাদি কর্তৃপক্ষ উহার বিবেচনায় যথাযথ পদ্ধতিতে প্রকাশ করিবে।



## ফরম-ক

[বিধি: ৪(১)(ক) দ্রষ্টব্য]

লাইসেন্সের আবেদন (ব্যক্তির ক্ষেত্রে)

আবেদনকারীর  
পাসপোর্ট সাইজের  
২ (দুই) কপি  
সত্যায়িত ছবি  
এখানে সংযুক্ত  
করিতে হইবে।

বরাবর

চেয়ারম্যান

বীমা উন্নয়ন ও নিয়ন্ত্রণ কর্তৃপক্ষ, ঢাকা।

মহোদয়,

আমি নন-লাইফ বীমা জরিপকারী (লাইসেন্সিং) বিধিমালা, ২০১৮ এর আওতায় বীমা জরিপকারী হিসাবে কার্য-পরিচালনার উদ্দেশ্যে লাইসেন্স প্রদানের জন্য প্রয়োজনীয় তথ্যাদিসহ, আবেদন করিতেছি, যথা:—  
প্রয়োজনীয় তথ্যাদি (প্রয়োজনে পৃথক কাগজে সংযুক্ত করা যাইবে)

- ১। নাম (বাংলা): .....
  - ইংরেজি (বড় হাতের অক্ষরে): .....
  - ২। পিতা বা স্বামীর নাম: .....
  - ৩। মাতার নাম: .....
  - ৪। জন্ম তারিখ: .....
  - ৫। আবেদনের তারিখে বয়স: .....
  - ৬। আবাসিক ঠিকানা: .....
  - ৭। স্থায়ী ঠিকানা: .....
  - ৮। শিক্ষাগত যোগ্যতা: .....
  - (৯ম গ্রেড বা তদূর্ধ্ব পর্যায়ের কোন কর্মকর্তা বা উপজেলা চেয়ারম্যান বা ওয়ার্ড কাউন্সিলর বা ইউনিয়ন পরিষদের চেয়ারম্যান কর্তৃক মূল সনদের সত্যায়িত ফটোকপি সংযুক্ত করিতে হইবে)
  - ৯। জাতীয়তা: .....
  - ১০। জাতীয় পরিচয়পত্র নম্বর: .....
  - ১১। ধর্ম: .....
  - ১২। আবেদনকারী—  
(ক) বীমাকারী বা বীমা এজেন্ট বা ব্রোকারের একজন কর্মচারী হইয়া থাকিলে, পূর্ণ বৃত্তান্ত: বা  
(খ) সরকারি চাকুরিজীবী বা কোন কর্পোরেশন, কোম্পানি, ফার্ম বা সংস্থার কর্মচারী হইয়া থাকিলে, পূর্ণ বৃত্তান্ত: বা  
(গ) পরিচালক, অংশীদার বা উপদেষ্টা হিসাবে কোন কোম্পানি বা ফার্ম বা সংস্থার পূর্ণ সময়ের সহযোগী হইয়া থাকিলে উহার পূর্ণ বৃত্তান্ত: .....
  - ১৩। প্রার্থিত লাইসেন্সের উপ-শ্রেণি .....
  - ১৪। বিধি ৫ এর উপ-বিধি (১) এর দফা (ক) এ উল্লিখিত যোগ্যতা ও অভিজ্ঞতাসম্পন্ন হইলে উহার বিবরণ .....
  - ১৫। আবেদনকারী পূর্বে কখনও আবেদন করিয়াছিল কি? করিয়া থাকিলে, নিম্নবর্ণিত তথ্য লিপিবদ্ধ করিতে হইবে, যথা :—  
(ক) লাইসেন্স প্রদান করা হইয়া থাকিলে, সর্বশেষ প্রদত্ত লাইসেন্স নম্বর ও তাহা অবসানের তারিখ;  
(খ) লাইসেন্স প্রত্যাহান হইয়া থাকিলে, প্রত্যাহানপত্রের নম্বর ও তারিখ;  
(গ) লাইসেন্স প্রদান করা হইয়াছিল কিন্তু পরবর্তীতে বাতিল হইয়া থাকিলে, লাইসেন্স বাতিলপত্রের নম্বর ও তারিখ: .....
  - ১৬। লাইসেন্স ফি প্রদানের মূল কপি।
  - ১৭। বাস্তব প্রশিক্ষণ গ্রহণ সংক্রান্ত প্রত্যয়নপত্রের কপি।
  - ১৮। ট্রেড লাইসেন্স, ই-টিন এর কপি, ভ্যাট রেজিস্ট্রেশনের কপি, শিক্ষাগত যোগ্যতার সনদপত্র ও অভিজ্ঞতার সনদপত্রের কপি (৯ম গ্রেড বা তদূর্ধ্ব পর্যায়ের কোন কর্মকর্তা বা উপজেলা চেয়ারম্যান বা ওয়ার্ড কাউন্সিলর বা ইউনিয়ন পরিষদের চেয়ারম্যান কর্তৃক সত্যায়িত হইতে হইবে) জমা প্রদান করিতে হইবে; ঘোষণাপত্র
- আমি ..... ঘোষণা করিতেছি যে,  
(১) উপরি-উক্ত তথ্যাদি ও নিম্নে প্রদত্ত ঘোষণা সত্য এবং যে লাইসেন্সের জন্য আবেদন করিয়াছি তাহা উপরি-বর্ণিত উপ-শ্রেণিতে জরিপ-কার্য পরিচালনার উদ্দেশ্যে কেবল আমার দ্বারা ব্যবহৃত হইবে; এবং  
(২) আমি আইনের ধারা ১২৭ এর উপ-ধারা (৬) এ উল্লিখিত কোন অযোগ্যতা ধারণ করিতেছি না।

তারিখ: .....

আপনার বিশ্বস্ত,

(আবেদনকারীর স্বাক্ষর)

ফরম-খ

[বিধি: ৪(১)(খ) দ্রষ্টব্য]

লাইসেন্সের আবেদন (কোম্পানি বা ফার্মের ক্ষেত্রে)

বরাবর

চেয়ারম্যান

বীমা উন্নয়ন ও নিয়ন্ত্রণ কর্তৃপক্ষ, ঢাকা।

মহোদয়,

আমি/আমরা নন-লাইফ বীমা জরিপকারী (লাইসেন্সিং) বিধিমালা, ২০১৮ এর আওতায় বীমা জরিপকারী হিসাবে কার্য-পরিচালনার উদ্দেশ্যে কোম্পানি বা ফার্মের জন্য লাইসেন্স প্রদানের জন্য প্রয়োজনীয় তথ্যাদিসহ, আবেদন করিতেছি, যথা :—

প্রয়োজনীয় তথ্যাদি: (প্রয়োজনে পৃথক কাগজে সংযুক্ত করা যাইবে)

- ১। আবেদনকারীর প্রতিষ্ঠানের নাম (বাংলা):.....  
ইংরেজি (বড় অক্ষরে): .....
- ২। প্রতিষ্ঠানের ঠিকানা: .....
- ৩। সকল স্পন্সর, পরিচালক, অংশীদার ও জরিপকারীর নাম, বর্তমান ও স্থায়ী ঠিকানা, যোগ্যতা ও অভিজ্ঞতা (পৃথকভাবে দলিলসহ সংযুক্ত করুন): .....
- ৪। যাহারা প্রকৃতপক্ষে জরিপ পরিচালনা করিবেন বা যাহারা প্রকৃতপক্ষে জরিপ পরিচালনা করিতেন তাহাদের নাম, যোগ্যতা ও অভিজ্ঞতার বর্ণনা (পৃথকভাবে দলিলসহ সংযুক্ত করুন): .....
- ৫। আবেদনকারী পূর্বে কখনও কোম্পানি বা ফার্ম হিসাবে লাইসেন্সের জন্য আবেদন করিয়াছিল কি? করিয়া থাকিলে, নিম্নবর্ণিত তথ্য লিপিবদ্ধ করিতে হইবে, যথা :—  
(ক) লাইসেন্স প্রদান করা হইয়া থাকিলে, সর্বশেষ প্রদত্ত লাইসেন্স নম্বর ও তাহা অবসানের তারিখ;  
(খ) লাইসেন্স প্রত্যাখ্যান হইয়া থাকিলে, প্রত্যাখ্যানপত্রের নম্বর ও তারিখ;  
(গ) লাইসেন্স প্রদান করা হইয়াছিল কিন্তু পরবর্তীতে বাতিল হইয়া থাকিলে, লাইসেন্স বাতিলপত্রের নম্বর ও তারিখ: .....
- ৬। জরিপকারী যে উপ-শ্রেণির লাইসেন্স চাহেন: .....
- ৭। লাইসেন্স ফি প্রদানের মূল কপি।
- ৮। পূর্বে কখনও বীমা এজেন্ট নিয়োগকারী বা ব্রোকার হিসাবে লাইসেন্স গ্রহণ করিয়া থাকিলে লাইসেন্সের নম্বর ও মেয়াদোত্তীর্ণের তারিখ: .....
- ৯। জয়েন্ট স্টক কোম্পানির সহিত রেজিস্ট্রেশনের সনদ, ই-টিন সার্টিফিকেট, ভ্যাট রেজিস্ট্রেশন নং, ট্রেড লাইসেন্স, সার্ভেয়ারদের শিক্ষাগত যোগ্যতা ও অভিজ্ঞতার বিবরণ জমা প্রদান করিতে হইবে। (পৃথকভাবে দলিলসহ সংযুক্ত করুন)।

## ঘোষণাপত্র

আমি/আমরা ..... ঘোষণা করিতেছি যে,

- (১) উপরি-উক্ত তথ্যাদি ও নিম্নে প্রদত্ত ঘোষণা সত্য এবং যে লাইসেন্সের জন্য আবেদন করিয়াছি তাহা উপরি-বর্ণিত উপ-শ্রেণিতে জরিপ-কার্য পরিচালনার উদ্দেশ্যে কেবল আমার দ্বারা ব্যবহৃত হইবে; এবং
- (২) আমি আইনের ধারা ১২৭ এর উপ-ধারা (৬) এ উল্লিখিত কোন অযোগ্যতা ধারণ করিতেছি না।

তারিখ: .....

কোম্পানি বা ফার্মের পক্ষে,.....

আবেদনকারীর স্বাক্ষর  
(সীলমোহরসহ)

ফরম-গ

[বিধি: ৬ দ্রষ্টব্য]

জরিপকারীর লাইসেন্স (ব্যক্তির ক্ষেত্রে)

লাইসেন্সের নম্বর :.....

বীমা জরিপকারীর উপ-শ্রেণি :.....

রেজি নং :.....

লাইসেন্স প্রদানের তারিখ :.....

নিম্নবর্ণিত শর্ত সাপেক্ষে বীমা জরিপ কার্যক্রম পরিচালনার জন্য নিম্নবর্ণিত ব্যক্তির নামে লাইসেন্স মঞ্জুর করা হইল :

১।

নাম :.....

২। পিতা বা স্বামীর

নাম :.....

৩। মাতার

নাম :.....

৪। স্থায়ী ঠিকানা :.....

৫। পরিশোধিত লাইসেন্স ফি :.....

৬। ফি আদায়ের তারিখ :.....

৭। নবায়নের তারিখ :.....

৮। শর্তসমূহ :

(ক) লাইসেন্সধারী বীমা আইন, ২০১০ এবং এই বিধিমালার বিধান প্রতিপালন করিবেন ;

(খ) চেয়ারম্যানের স্বাক্ষর ব্যতিরেকে এই লাইসেন্স বৈধ বিবেচিত হইবে না এবং আবেদনকারী লাইসেন্স পাওয়ার সাথে সাথেই ইহাতে তাহার স্বাক্ষর করিবেন ;

(গ) এই লাইসেন্স দ্বারা লাইসেন্সধারী শুধুমাত্র উপরি-বর্ণিত বীমা শ্রেণি/উপ-শ্রেণির বীমা জরিপ করিবার ক্ষমতা প্রয়োগ করিতে পারিবেন এবং লাইসেন্সে কোনো বিশেষ বীমা কোম্পানির সহিত লাইসেন্সধারীর সম্পর্ক প্রকাশ পায় এমন কোনো চিহ্ন বা বর্ণনা থাকিবে না ;

(ঘ) এই লাইসেন্স নবায়নের ক্ষেত্রে নন-লাইফ বীমা জরিপকারী (লাইসেন্সিং) বিধিমালা, ২০১৮ এর বিধি ৭ এ বর্ণিত নিয়মাবলি অনুসারে করিতে হইবে এবং তদসংক্রান্ত আবেদনপত্র চেয়ারম্যানের নিকট লাইসেন্সের মেয়াদ উত্তীর্ণ হইবার কমপক্ষে ৩০ (ত্রিশ) দিন পূর্বে অথবা মেয়াদ উত্তীর্ণ হইবার তারিখ হইতে ১২ (বার) মাসের মধ্যে এই বিধিমালার বিধি ১৩ তে উল্লিখিত বিলম্ব ফিসহ দাখিল করিতে হইবে ;

(ঙ) চেয়ারম্যান দ্বারা সত্যায়িত না হইলে এই লাইসেন্সের কোনো সংশোধন গ্রাহ্য হইবে না ; এবং

(চ) কোনো বাক্য কিংবা বাক্যাংশের অর্থ সম্পর্কে কোনো অস্পষ্টতা দেখা দিলে বীমা আইন, ২০১০ এ বর্ণিত অর্থ বা চেয়ারম্যানের সিদ্ধান্ত চূড়ান্ত বলিয়া গণ্য হইবে।

লাইসেন্সধারী জরিপকারীর স্বাক্ষর

চেয়ারম্যান এর স্বাক্ষর  
(সীলমোহরসহ)

ফরম-ঘ

[বিধি: ৬ দ্রষ্টব্য]

জরিপকারীর লাইসেন্স (কোম্পানি বা ফার্মের ক্ষেত্রে)

লাইসেন্সের নম্বর :.....

বীমা জরিপকারীর উপ-শ্রেণি :.....

রেজি নং :.....

লাইসেন্স প্রদানের তারিখ :.....

নিম্নবর্ণিত শর্ত সাপেক্ষে বীমা জরিপ কার্যক্রম পরিচালনার জন্য নিম্নবর্ণিত কোম্পানি বা ফার্মের নামে লাইসেন্স মঞ্জুর করা হইল :

১। আবেদনকারী প্রতিষ্ঠানের নাম :.....

২। প্রতিষ্ঠানের ঠিকানা :.....

৩। পরিশোধিত লাইসেন্স ফি :.....

৪। ফি আদায়ের তারিখ :.....

৫। নবায়নের তারিখ :.....

৬। শর্তসমূহ :

(ক) লাইসেন্সধারী বীমা আইন, ২০১০ এবং এই বিধিমালার বিধান প্রতিপালন করিবে ;

(খ) চেয়ারম্যানের স্বাক্ষর ব্যতিরেকে এই লাইসেন্স বৈধ বিবেচিত হইবে না এবং আবেদনকারী লাইসেন্স পাওয়ার সাথে সাথেই ইহাতে তাহার স্বাক্ষর করিতে হইবে ;

(গ) এই লাইসেন্স দ্বারা লাইসেন্সধারী শুধুমাত্র উপরি-বর্ণিত উপ-শ্রেণির বীমা জরিপ করার ক্ষমতা প্রয়োগ করিতে পারিবে এবং লাইসেন্সে কোনো বিশেষ বীমা কোম্পানির সহিত লাইসেন্সধারীর সম্পর্ক প্রকাশ পায় এমন কোনো চিহ্ন বা বর্ণনা থাকিবে না ;

(ঘ) এই লাইসেন্স নবায়নের ক্ষেত্রে নন-লাইফ বীমা জরিপকারী (লাইসেন্সিং) বিধিমালা, ২০১৮ এর বিধি ৭ এ বর্ণিত নিয়মাবলী অনুসারে করিতে হইবে এবং তদসংক্রান্ত আবেদনপত্র চেয়ারম্যানের নিকট লাইসেন্সের মেয়াদ উত্তীর্ণ হইবার কমপক্ষে ৩০ (ত্রিশ) দিন পূর্বে অথবা মেয়াদ উত্তীর্ণ হইবার তারিখ হইতে ১২ (বার) মাসের মধ্যে এই বিধিমালার বিধি ১৩ এ উল্লিখিত বিলম্ব ফিসহ দাখিল করিতে হইবে ;

(ঙ) চেয়ারম্যান দ্বারা সত্যায়িত না হইলে এই লাইসেন্সের কোনো সংশোধন গ্রহণ হইবে না ;

(চ) কোনো বাক্য কিংবা বাক্যাংশের অর্থ সম্পর্কে কোনো অস্পষ্টতা দেখা দিলে বীমা আইন, ২০১০ এ বর্ণিত অর্থ বা চেয়ারম্যানের সিদ্ধান্ত চূড়ান্ত বলিয়া গণ্য হইবে ।

লাইসেন্সধারী জরিপকারীর স্বাক্ষর

চেয়ারম্যান এর স্বাক্ষর

(সীলমোহরসহ)

ফরম-৬  
[বিধি: ৭ দৃষ্টব্য]

লাইসেন্স নবায়নের আবেদন (ব্যক্তির ক্ষেত্রে)

লাইসেন্স নম্বর.....  
ইস্যুর তারিখ.....  
অবসানের তারিখ.....  
বরাবর  
চেয়ারম্যান  
বীমা উন্নয়ন ও নিয়ন্ত্রণ কর্তৃপক্ষ, ঢাকা।  
মহোদয়,

আমার বীমা জরিপকারী লাইসেন্স নবায়ন করিতে প্রয়োজনীয় তথ্যাদি নিয়ে প্রদান করিলাম :  
প্রয়োজনীয় তথ্যাদি : (প্রয়োজনে পৃথক কাগজে সংযুক্ত করা যাইবে) —

- ১। নাম (বাংলায়) :.....  
ইংরেজি (বড় অক্ষরে) :.....
- ২। পিতা বা স্বামীর নাম :.....
- ৩। মাতার নাম :.....
- ৪। জন্ম তারিখ :.....
- ৫। আবেদনের তারিখে বয়স :.....
- ৬। আবাসিক ঠিকানা :.....
- ৭। স্থায়ী ঠিকানা :.....
- ৮। শিক্ষাগত যোগ্যতা :.....  
(৯ম গ্রেড বা তদুর্ধ্ব পর্যায়ের কোন কর্মকর্তা বা উপজেলা চেয়ারম্যান বা ওয়ার্ড কাউন্সিলর বা ইউনিয়ন পরিষদের চেয়ারম্যান কর্তৃক মূল সনদের সত্যায়িত ফটোকপি সংযুক্ত করিতে হইবে)।
- ৯। জাতীয়তা :.....
- ১০। জাতীয় পরিচয়পত্রের নম্বর :.....
- ১১। ধর্ম :.....
- ১২। আবেদনকারী—  
(ক) বীমাকারী বা বীমা এজেন্ট বা বীমা এজেন্ট নিয়োগকারীর একজন কর্মচারী হইয়া থাকিলে পূর্ণ বৃত্তান্ত ;  
(খ) সরকারি চাকরিজীবী বা কোন কর্পোরেশন, কোম্পানি, ফার্ম বা সংস্থার কর্মচারী হইয়া থাকিলে তাহার পূর্ণ বৃত্তান্ত ;  
(গ) পরিচালক, অংশীদার বা উপদেষ্টা হিসাবে কোন কোম্পানি বা ফার্ম বা সংস্থার পূর্ণ সময়ের সহযোগী হইয়া থাকিলে তাহার বৃত্তান্ত ;  
(ঘ) লাইসেন্সের আবেদন যে জরিপ উপ-শ্রেণির জন্য করা হইয়াছে তাহার বর্ণনা:
- ১৩। নিম্নেবর্ণিত তথ্য ও কাগজাদি সংযুক্ত করা হইল ;  
(ক) পূর্ববর্তী বৎসরে জরিপকারী কর্তৃক ইস্যুকৃত জরিপ প্রতিবেদনের (উপ-শ্রেণি অনুসারে) বিবরণী;  
(খ) কর্তৃপক্ষ কর্তৃক যাচাইকৃত হইতে পারে এমন কর্মচারীদের তালিকা ;  
(গ) জরিপকারী কর্তৃক স্বাক্ষরিত বিগত পঞ্জিকা বা অর্থ বৎসরের নিরীক্ষিত আয় ও ব্যয় বিবরণী ;  
(ঘ) লাইসেন্স নবায়ন ফি পরিশোধের কপি ; এবং  
(ঙ) মেয়াদ উত্তীর্ণের ক্ষেত্রে বিলম্ব ফি পরিশোধের কপি ;

ঘোষণাপত্র

- আমি.....ঘোষণা  
করিতেছি যে,  
(১) উপরি-উক্ত তথ্যাদি ও নিম্নে প্রদত্ত ঘোষণা সত্য এবং যে লাইসেন্সের জন্য আমি আবেদন  
করিয়াছি তাহা উপরি-উল্লিখিত উপ-শ্রেণিতে জরিপ-কার্য পরিচালনার উদ্দেশ্যে কেবল আমার দ্বারা  
ব্যবহৃত হইবে ; এবং  
(২) আমি আইনের ধারা ১২৭ এর উপ-ধারা (৬) এ উল্লিখিত কোন অযোগ্যতা ধারণ করিতেছি না।

তারিখ :.....

আপনার বিশুদ্ধ  
(আবেদনকারীর স্বাক্ষর)

## ফরম-৮

[বিধি: ৭ (১) দৃষ্টব্য]

লাইসেন্স নবায়নের আবেদন (কোম্পানি বা ফার্মের ক্ষেত্রে)

লাইসেন্স নম্বর.....  
 ইস্যুর তারিখ.....  
 অবসানের তারিখ.....  
 বরাবর  
 চেয়ারম্যান  
 বীমা উন্নয়ন ও নিয়ন্ত্রণ কর্তৃপক্ষ, ঢাকা।  
 মহোদয়,

আমাদের বীমা জরিপকারীর লাইসেন্স নবায়ন করিতে প্রয়োজনীয় তথ্যাদি নিম্নে প্রদান করিলাম :  
 (ক) প্রয়োজনীয় তথ্যাদি : (প্রয়োজনে পৃথক কাগজে সংযুক্ত করা যাইবে)——

- ১। আবেদনকারী প্রতিষ্ঠানের নাম (বাংলা):.....  
 ইংরেজি (বড় অক্ষরে) :.....
- ২। ঠিকানা :.....
- ৩। পরিচালক বা অংশীদারদের নাম ও ঠিকানা :.....
- ৪। অনুমোদিত জরিপকারীগণের নাম, সার্ভে কাজের যোগ্যতা (প্রামাণ্য দলিল সহযোগে) ও অন্যান্য শিক্ষানবিশগণের নামের তালিকা :.....
- ৫। যে উপ-শ্রেণির লাইসেন্স নবায়নের আবেদন :.....
- ৬। নিম্নবর্ণিত তথ্য ও কাগজাদি সংযুক্ত করা হইল :  
 (ক) পূর্ববর্তী বৎসরে বীমা জরিপকারী কর্তৃক ইস্যুকৃত জরিপ প্রতিবেদনের (উপ-শ্রেণি অনুসারে) বিবরণী ;  
 (খ) ব্যবস্থাপনা অংশীদার বা ক্ষেত্রমত, ব্যবস্থাপনা পরিচালক কর্তৃক স্বাক্ষরিত পূর্ববর্তী পঞ্জিকা বা অর্থ বৎসরের নিরীক্ষিত আয় ও ব্যয় বিবরণী ;  
 (গ) দুইটি জরিপ প্রতিবেদন ;  
 (ঘ) লাইসেন্স নবায়ন ফি পরিশোধের কপি ; এবং  
 (ঙ) মেয়াদ উত্তীর্ণের ক্ষেত্রে বিলম্ব ফি পরিশোধের কপি ;  
 (চ) যদি কোন নতুন সদস্য নিয়োগ প্রাপ্ত হইয়া থাকেন তবে তাহার ২ (দুই) কপি সদ্য তোলা পাসপোর্ট সাইজের ছবি, ই-টিন এর কপি, শিক্ষাগত যোগ্যতার সনদপত্র ও অভিজ্ঞতার সনদপত্রের কপি (৯ম গ্রেড বা তদূর্ধ্ব পর্যায়ের কোন কর্মকর্তা বা উপজেলা চেয়ারম্যান বা ওয়ার্ড কাউন্সিলর বা ইউনিয়ন পরিষদের চেয়ারম্যান কর্তৃক সত্যায়িত হইতে হইবে)।

## ঘোষণাপত্র

আমি/আমরা.....ঘোষণা করিতেছি যে,

- (১) উপরি-উক্ত তথ্যাদি ও নিম্নে প্রদত্ত ঘোষণা সত্য এবং যে লাইসেন্সের জন্য আমি আবেদন করিয়াছি তাহা উপরি-উল্লিখিত উপ-শ্রেণিতে জরিপ কার্য পরিচালনার উদ্দেশ্যে কেবল আমার দ্বারা ব্যবহৃত হইবে ; এবং
- (২) আমি/আমরা আইনের ধারা ১২৭ এর উপ-ধারা (৬) এ উল্লিখিত কোন অযোগ্যতা ধারণ করিতেছি না।

আপনার বিশ্বস্ত,  
 কোম্পানি বা ফার্মের পক্ষে,.....  
 আবেদনকারীর স্বাক্ষর  
 (সীলমোহর সহ)

রষ্ট্রপতির আদেশক্রমে  
 মোঃ আসাদুল ইসলাম  
 সচিব।

মোঃ লাল হোসেন, উপপরিচালক, বাংলাদেশ সরকারী মুদ্রণালয়, তেজগাঁও, ঢাকা কর্তৃক মুদ্রিত।  
 মোঃ আব্দুল মালেক, উপপরিচালক, বাংলাদেশ ফরম ও প্রকাশনা অফিস, তেজগাঁও,  
 ঢাকা কর্তৃক প্রকাশিত। website: www.bgpress.gov.bd